

Na osnovu čl. 7. i 9., stav 2. Zakona o Agenciji za bankarstvo Federacije Bosne i Hercegovine ("Službene novine Federacije BiH", br. 9/96, 27/98, 20/00, 45/00, 58/02, 13/03, 19/03, 47/06, 59/06, 48/08, 34/12 i 77/12) i člana 18. Statuta Agencije za bankarstvo Federacije Bosne i Hercegovine ("Službene novine Federacije BiH", broj: 42/04), Upravni odbor Agencije za bankarstvo Federacije Bosne i Hercegovine (u daljnjem tekstu: Upravni odbor), na sjednici održanoj dana 30.06.2016. godine, donio je

P R A V I L N I K

O IZMJENAMA I DOPUNAMA PRAVILNIKA O UNUTRAŠNJOJ ORGANIZACIJI AGENCIJE ZA BANKARSTVO FEDERACIJE BIH

Član 1.

U Pravilniku o unutaršnjoj organizaciji Agencije za bankarstvo Federacije BiH, ("Službene novine Federacije BiH", broj 23/14) u članu 4, stav 1, iza tačke 2.2. dodaje se u nova tačka 2.3. i glasi: „2.3. Odjel za kontrolu informacionih sistema:“.

Član 2.

U članu 5. stav 2. tačka 2. iza alineje 3. dodaje se nova alineja 4. koja glasi:

„- kontrola (supervizija) informacionih sistema u bankama;“
Dosadašnje alineje 4-16, postaju alineje 5-17.

U stavu 2. ;

U tački 6. alineje 1., 4., 6., i 7. iza riječi „mikrokreditnih organizacija“ briše se veznik „i“ i stavlja zarez, a iza riječi „leasing društava“ stavlja se veznik „i“ i dodaju riječi „društava za faktoring.“, u alineji 4. iza riječi: „Sektoru za nadzor leasing društava“ dodaju se riječi „i Podružnici Mostar“.
u alineji 8. iza riječi „mikrokreditnim organizacijama“ briše se veznik „i“ i stavlja zarez, a iza riječi „leasing društvima“ stavlja se veznik „i“ i dodaju riječi „društvima za faktoring.“

U tački 7. alineja 2. na kraju teksta dodaju se riječi i „Podružnice Mostar“, u alineji 3. iza riječi „mikrokreditnih organizacija“ briše se veznik „i“ i stavlja zarez, a iza riječi „leasing društava“ stavlja se veznik „i“ i dodaju riječi „društava za faktoring.“ U alineji 3. iza riječi „sistema leasinga“ dodaju se riječi ; „sistema faktoringa;“

U tački 8. alineja 1. iza riječi „mikrokreditnih organizacija“ briše se veznik „i“ i stavlja zarez, a iza riječi „leasing društava“ stavlja se veznik „i“ i dodaju riječi „društava za faktoring.“

U tački 9. alineja 1., iza riječi „lizing društava“ briše se veznik „i“ i stavlja zarez, a iza riječi „deviznih“ stavlja se veznik „i“ i dodaju riječi „društava za faktoring.“

Tačka 12. mijenja se i glasi:

“12. Podružnica Mostar

- obrade zahtjeva i odlučivanja o davanju saglasnosti za osnivanje društava za faktoring, organizacionih dijelova društava i izdavanja odgovarajućih licenci i drugih saglasnosti društvima za faktoring;
- izrade plana kontrola i nadzora društava za faktoring kao sastavni dio godišnjeg plana rada Agencije;
- nadzora poslovanja društava za faktoring - obimne i ciljane (on-site) kontrole na licu mjesta;

- kao dio tima, obavljanju obimne i ciljane (on-site) kontrole na licu mjesta, banaka koje obavljaju poslove faktoringa i, po potrebi, ostalih banaka;
- prezentiranja nadležnim organima društava za faktoring nalaza on-site kontrole, izrada zapisnika o izvršenoj kontroli i obavljanja kompletne procedure do konačnosti zapisnika i izrade post-kontrolnih akata;
- nadzora poslovanja društava za faktoring analizom podataka iz propisanih financijskih izvještaja i ostalih podataka;
- pokretanja aktivnosti na sankcioniranju društava za faktoring i odgovornih osoba u suradnji s drugim organizacionim jedinicama u Agenciji;
- pripreme za kontrolu poslovanja društava za faktoring u suradnji sa drugim organizacionim jedinicama Agencije;
- post-kontrolnih postupaka - kontinuiranim praćenjem izvršenja naloženih mjera i rokova;
- izrade polugodišnjih i godišnjih izvještaja o izvršenim kontrolama društava za faktoring i banaka u dijelu faktoring poslovanja;
- pripreme informacije o stanju sistema faktoringa u Federaciji BiH;
- davanja prijedloga za donošenje, dopuna i izmjena propisa i uputstava iz oblasti nadzora društava za faktoring;
- sudjelovanja u izradi informatičkog sistema, te popunjavanja i stalnog ažuriranja podataka za društva za faktoring i banaka u dijelu faktoring poslovanja u skladu sa potrebama organizacione jedinice i segmenta rada;
- sudjelovanja u izradi i razvoju informatičkog sistema Agencije u segmentu metodološkog kreiranja izvještaja za potrebe kontrole i analize društava za faktoring i sistema faktoringa;
- davanja društvima za faktoring i bankama koje obavljaju poslove faktoringa, uputstava, instrukcija i pojašnjenja iz oblasti primjene propisa kojima se regulira faktoring poslovanje;
- saradnje sa drugim organizacionim jedinicama Agencije;
- saradnje sa drugim institucijama, na osnovu ovlaštenja direktora i zamjenika direktora;
- rezervne lokacije informacionih sistema:
 - sudjelovanja u pripremi i izradi cjelovitih i pojedinačnih programa i metodologija razvoja i funkcioniranja informacionog sistema Agencije,
 - ažuriranje, održavanje i zaštita informacionog sistema Agencije na rezervnoj lokaciji,
- drugih poslova po nalogu direktora i zamjenika direktora Agencije.“

Član 3.

Ovaj Pravilnik stupa na snagu osmog dana od dana objavljivanja u "Službenim novinama Federacije BiH".

Broj: U.O.-84-2/16

Sarajevo, 30.06.2016. godine

PREDSJEDNICA

UPRAVNOG ODBORA

Rajka Topčić, dipl. ecc., s.r.